

**AGENDRE FEMASO YESU**

MINGGU 12 APRIL 2026

**1. FANGOWAI BA FOGAONI**

*(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).*

- Fangowai** :  
**SA** : Ya'ami banua Zo'aya, No oi owulo ita oi faondra ba wa'owuawua dödö, me no maoso Zo'aya ya'ita Yesu Keriso moroi ba ngai zi mate. Andrö, ba ddoi Yesu ma'owai Ami : Ya'ahowu, no maoso Keriso.  
**SATO** : Ya'ahowu !  
**SA** : Keriso So'aya, no maoso Keriso  
**SATO** : Duhu, no maoso Keriso.  
**SA** : Ya faofao khömi Lowalangi...  
**SATO** : Ya fao Khöu Geheha-Nia  
**Fogaoni** :  
**SA** : Da ta'owuawua'ö dödöda wangondrasi Yehowa, da ta'omusoi'ö dödöda ba Wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 25**

**25. YEHOWA YEHOWA YEHOWA 1**

do = c 4/4

MM = 84 - 92

1. Yehowa, Yehowa, Yehowa khö-U zumange yatesuno ddoi-Mö.  
No sindruhu, irege adudu danö, na irugi inötö.  
Lö ae maböhöli, masuno masuno na Ndra' ugö,  
Haleluya, Haleluya.
2. He Yesu, he Yesu, he Yesu, sangöhöli ya' aga ba horö.  
Do-Mö höli, lö aefa ba dana khö-Mö, wanunonuno töi-Mö  
Töi si lö famaedo, nisuno irugi zi lö aetu,  
Haleluya, Haleluya.

**2. FANGA'ARO'Ö WA'OWULO (VOTUM)**

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):  
No owulo ita ba da'e ba ddoi Lowalangi Ama, ba ba ddoi nono-Nia Yesu Keriso, ba ba ddoi Geheha Ni'amoni'ö. Fangorifida ha ba ddoi Yehowa si no momböi banua si yawa awö danö.....

**SATO** : YADUHU

**SA** : Ba na lö mususugi Keriso, ba si lö boto wamatimi andrö, ba lö si tebulö ami ba horömi; Ba iada'e, ba no mususugi Keriso, moroi ba ngai zi mate.  
HALELUYA.....

**SA** : **Manunö** : BZ. : 452

HALELUYA....HALEYA.... HALELU...YA.....

**SA** : Mangandrö ita :  
He Yesu Keriso So'aya ya'aga, Sangorifi ösi gulidanö andre. Ma'andrö saohagölö khö-U me no Ölawä wa'abölö horö ba fa'amate ba wemaoso-Mö andrö. Iada'e lö sa'ae ata'u ndra'aga ba lumö wa'abölö wa'amate andrö, me no maoso Ndra'ugö ba wangorifi ya'aga. No alömö wa'amate andrö ba wemöna, No Ö'efa'ö ndra'aga ba wa'abölö zogömigömi ba no Ö'ohe ndra'aga ba haga. No Ö'efa'ö ndra'aga moroi ba wesu horö, irege tobali ndra'aga ono khö Lowalangi Ama. He Yesu Keriso no Ö'faogö ndra'aga ba

wa'amate-Mö ba tesusugi göi ndra'aga ba we maoso-Mö andrö, ma'andrö khö-U böi bulö'ö khöma howuhowu-Mö, me Ya'ugö zamatörö banua si yawa awö danö i'otarai da'e irugi ba zi lö aetu. Yaduhu. (Mudadao zato)

### 3. MANUNÖ moroi ba Mbuku Zinunö Numero 223

#### 223. FA' ASÖKHI DÖDÖ YESU

Lala : Hezo Yesu Somasido ( No. 186 )

do = d 3/4

MM = 69 - 76

1. Fa ' asökhi dödö Yesu, ba zi no mamati sa.  
Wa ifuli zui Ikaoni, na okafu dödöra.  
Börö galangua dödö, si no oya ngawalö.  
He no mo-ha - ga za - mu-za, i - fu - li zui ndru-ndru-Mö.
2. Da' ö zomasi Zo' aya, na ifuli mohaga.  
Afu tebohouni dödö, tefonaha Geheha.  
He no oya wanandraigö, he fahöna wangala.  
Na atulö wasöndrata, ba musöndra wemöna.

### 4. FOMBASO TAROMA LI LOWALANGI FAMÖRÖGÖ (AF)

: Da tafondrongo daroma Li Lowalangi, tehalö moroi ba zura **III Moze 20:1-7**

1. Ba humede Yehowa khö Moze, imane:
2. Öwa'ö ba Ndraono Gizeraëli: Dozi Iraono Gizeraëli, awö niha bö'ö si so ba khöra, na so zame'e ba Molokho andrö ononia, ba huku mate hukunia; latebu kara ia niha ba danö.
3. Ba udunia ndra'odo, ba use'e ia ba niwania, börö me no ibe'e ba Molokho andrö nononia, ba wame'e ra'iö ni'amoni'ö andrö khögu, ba ba wango'aya töigu andrö, ni'amoni'ö.
4. Ba na la'osilömilagö ena'ö niha ba danö nilau niha si manö, na ibe'e ba Molokho andrö nononia, fa lö labunu ia,
5. ba udunia sa atö ndra'odo ba udu nga'ötönia, ba use'e ia ba niwara, fabaya dozi lolö'ö khönia, ba wame'e adu andrö, wamosumange Molokho andrö.
6. Ba ha niha zi möi ba zogawi bekhua ba ba zi faeta, si no amaedola zohorö khöra, ba udunia ndra'odo ba use'e ia ba hunö niwara.
7. Ba mi'amoni'ö ami, ena'ö ni'amoni'ö ami; Yehowa sa ndra'odo, Lowalangimi.
- 8.

Simanö daroma Li Lowalangi, da tatema'ö faoma sinunö: BZ.Numero 114: 1

#### 114. NO MAOSO YESU SO'AYA <sup>1</sup>

do = f 4/4

MM = 96 - 104

1. No maoso Yesu So'aya, lewatö no Iröi.  
Umbu wa'auri sa Ia, ba sangorifi göi ba sangorifi göi

### 5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

<sup>1</sup> Note : Nikolaus Herman 1554

He So'aya ya'aga Yesu Keriso si mate ba röfa ba hili Gologata, ba si no maoso bangai zi mate. Faduhu dödöma ba daroma Li-Mö me Öwa'ö: “ Ya'odo wemaoso ba fa'auri, samati khö-Gu, ba auri, hewa'ae mate ia.” Ba hiza, ba lala wa'aurima seroma'ökhö asease ma'ositengagö ba ma'osilö'ögö Ndra'ugö So'aya, me ma'o'önifakhoi dödöma samösa. Bologö dödö-U khöma, ba be'e aefa khöma horöma andrö. Hakhösi dödö-U khöma So'aya, böi tehe tekiko, törötörö tödö-U wa'ebua dödö-U Awö wa'ahakhö dödö-U khöma. Böi bulö'ö ndra'aga moroi ba wa'omasi ba ba Wangorifi andrö si no Öhönagö ba zamati khö-U.....

- SATO** : Mangandrö ba dödö zamösana föna Lowalangi.....1 irugi 2 meniti.  
**SA** : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.  
**SATO** : Manunö : BZ. Numero 224 : 1

## 224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

- SA** : **Turia Wangefa horö** : “ Imane taroma Li Lowalangi : Ba no erege dödö-Gu öbe'e ba horöu andrö; no öfakao-Do olalöwamö. Ya'o, Ya'odo andre zamunu lalöu andrö, börö ndra'o, ba lö'ö sa'ae itörö tödö-Gu horöu. LAKHÖMI KHÖ LOWALANGI SI YAWA.....

- SATO** : Manunö:

## 450. BA FA'ATULÖ BA GULIDANÖ

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö

(mudadao zato)

## 7. FOMBASO TAROMA LI LOWALANGI NIBASO FÖNA HUHUUO (AB)

- SA** : Fombaso taroma li Lowalangi föna huhuo tehalö moroi ba zura **Yohane 17:14-19**

14. No ufa'ema khöra daroma limö, ba no fatiu dödö niha guli danö khöra, me tenga moroi ba niha guli danö ira, si mane ya'o, si tenga moroi ba niha guli danö  
 15. Lõ u'andrö, öheta ira ba guli danö, ba ena'ö örorogö ira, ba ö'efa'ö ba Gafökha;  
 16. Tenga moroi ba niha guli danö ira, si mane ya'o, si tenga moroi ba niha guli danö.  
 17. Amoni'ö ira ba zi duhu; taroma limö zi duhu.  
 18. Si mane famatengeu ya'o ba guli danö, si manö göi wamatengegu ya'ira ba guli danö.  
 19. Ba u'amoni'ö ndra'o salahira, ena'ö ni'amoni'ö ira göi ba zi duhu.

Ya'ahowu zamondrongo taroma Li Lowalangi ba Same badödö...

- SA+SATO** : Yaduhu

## 8. FASÖMBATA

- SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu sifao fangowuloi ame'ela Persembahan Kasih. Ba si föföna ua da tafondrongo Li Lowalangi me imane:  
 ❖ Ba da'ö niwa'ö-Gu: Na so zangatalisi tanömö, ba lö oya'oya ibasi, ba na so zi lö alimagö tanömö, ba oya göi ibasi dania. Ba balazi dödö zamösana; böi abu dödö, ba tenga ni forege; si no aoha gölö fame'e, da'ö sa zomasi Lowalangi. (II Korindro 9:6-7)

Tafa'ema wasömbata khö Lowalangi, manunö ita moroi ba Mbuku Zinunö

## Numero 264

## 264. DOZI ITA FEFU OMUSO DÖDÖDA

Lala : He Lowalangima ( No. 11 )

do = g 4/4

MM = 104 - 112

1. Dozi ita fefu, omuso dödöda, tasunosuno Zo' aya.  
Da ta' osara ' ö fefu göi dödöda, wanggalulu föna-Nia.  
Talulu, khö-Nia, fefu zi so khöda, awö wa' aurida.
2. Nilau dödö-Nia, Ifa' ema khöda, mbuala si' oroi Nama.  
Fangefa' ö horö, awö wangatulö, fao wamohouni ya' ita.  
Tabokai dödöda, wangombakha horö, si möi ba' aba' a.
3. Ya' ita sowulo, ya hasara dödö, ya so khöda wa' omasi.  
Ya so wa' awösa, ya aro wamati, ta' aröu' ö zi lö sökhi.  
Ya dozi ta' andrö," He Yesu, bohouni, bè khöma wa' auri."
4. Ya sökhi dödöda, fefu khö nawöda, ya faondra wangerangera.  
Fefu wayawasa, awö wolau faya, da taröi me no fangala.  
He Yesu, bè khöma, dödö fa' omasi, soroi ba Geheha.

SA :

*Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö ( irama lagu ).Fatua lö möi ira wolohe föna, ba imane Sangai Agendre:)*

"Da tafasao wasömbatada andre föna Lowalangi,.....Muzizio ita fefu....."

Manunö ita moroi ba Mbuku Zinunö numero 261

261. YA'E ZUMANGE <sup>2</sup>

do = d 4/4

MM = 62 - 68

**Ira'alawe**

1. Ya ' e zumange fa-sömbata, ma ' ohe sumange Yehowa.  
**Iramatua**  
*Reff* :Ma'andrö khö-U fa-ho-wu'ö zu-mange ni 'o- hema khö-Mö
2. Ya'e zumange fasömbata mabe'e soroi ba dödöma.  
*Reff* : Ma'andrö khö-U ....
3. Ya'e zumange fasömbata buala si'otarai Nama.  
*Reff* : Ma'andrö khö-U ....
4. Ya'e zumange fasömbata, boto, noso, ba fa'aurima  
*Reff* : Ma'andrö khö-U ....
5. Ya'e zumange fasömbata, lö irugi zomasi dödö-U.  
*Reff* : Ma'andrö khö-U ....
6. Ya'e zumange fasömbata, ma'aohasi gölö Zo'aya.  
*Reff* : Ma'andrö khö-U ....

**FANGANDRÖ** : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*) **Mudadao Zato**

## 9. KOOR/VOKAL GROUP

- SA** : Da tafaogö dödöda ba wanuno Lowalangi faoma sinunö ni'olohesi:  
Koor ba Vokal Group
- a. Koor Jemaat
  - b. Kegiatan Komisi Perempuan
  - c. Kegiatan Sektor 1
  - d.

## 10. MANUNÖ

- SA** : Da tafa'anö dödöda wamondrongo taroma Li Lowalangi, manunö ita

moroi Ba Mbuku Zinunö **numero 163**

### 163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma'ökhö ba si'ogöt'ö lö sa mamalö. Taroma li-Mö si möi fangabölö utema'ö soroi ba dödö, tolo ba wolo 'ö.

#### 11. HUHUU SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi *I Fetero / I Petrus 1:13-16 (Tuho:Auri Ba Wamoni / Hidup Dalam Kekudusan)*
  - b. Fanuriaigö
  - c. Nitanö ba dödö. *III Moze / Imamat 20:7 (Ba mi'aroni'ö ami, ena'ö ni'aroni'ö ami; Yehowa sa Ndra'odo, Lowalangimi. / Maka kamu harus menguduskan dirimu dan kuduskanlah kamu, sebab Akulah Tuhan, Allahmu.)*
  - d. Fangandrö Fanga'aro'ö huhuo

**SATO** : Manunö : BZ. Numero 154 : 1

### 154. NO MAFONDRONDRONGO LIU<sup>3</sup>

do = es 4/4

MM = 96 - 104

1. No mafondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

#### 12. TUHO WAMATI

**SA** : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
  - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'aroni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
  - ❖ Ya'o mamati khö Geheha Ni'aroni'ö, ba ufati ha sambua mbanua ni'aroni'ö, fefu niha Keriso, fa'awösa niha ni'aroni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

## 13. ANGOMBAKHATA BA MBANUA NIHA KERISO

SA : Da tafondrongrongo gangombakhata:.....

## MANUNÖ

SA : Manunö ita moroi ba Mbuku Zinunö **numero: 313 Ayati 1-2**

## 313. SOWUAWUA TÖDÖ 1

do = e, 3/4

MM = 76 - 82

1. Sowua-wua tödö ndra' o me fa' aurigu Yesu Keriso.  
Ya'wa ba röfa Ihölido, fa tola möido ba zorugo.  
Ba manunödo soroi dödö, usuno Ia lö mamalö.  
Ba manunödo soroi dödö, usuno Ia lö mamalö.
2. Ululu fefu wa' aurigu, amatöröwa Keriso Yesu.  
Usuno Ia si lö aetu, me solomasi Ia khögu.  
*Reff.* Ba manunödo soroi dödö, ....

## 15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : FAMATENGE + HOWUHOWU :  
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :  
❖ Ya mufahowu'ö ami/ita Lowalangi, Ya murorogö ami/ita  
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda  
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **313 ayati 3**

## 313. SOWUAWUA TÖDÖ 1

do = e, 3/4

MM = 76 - 82

3. Ube ndra'odo nifatörö, Geheha-Nia Ni' amoni' ö.  
Ba wombaloigu Yesu andrö, Ifahowu' ö lö mamalö.  
*Reff.* Ba manunödo soroi dödö, ....

SH : YA'AHOWU

SATO : YA'AHOWU